

Bajúreka sinéami kiti ayéna enama échina nawesalíachi municipalchi échina

instituto estatal electoral jena chihuahua, mapu alí chotasí raícha échi votarriwami

kitira, bamíali okuá mili mina besámako bikia (2023) ali okuá mili mina osámakoy nayo (2024).

Échi instituto electoral chihuahua wiliami.

BAJURÉKA

Sinéami ralámuli mapu re’enali, échina kiti a nima visirente, kuírami échina votáriwachi, mapurika secretaria ma’a, kuírami’cho échina usanísamakoy kicháo (67) municipio mapu koná napawiami’jú, kiti á wiláma échi votariwami bamilia okuá mili mina osamakoy bikíá alí okuá mili mina osamakoy nayo.(2023-2024). Jé’rika bela nimare:

BASES

1. PÍRI ISÍMARIKA.

Sinéami Ralámuli mapu bitiwalí abelá niwima nochali, mapu iyéri áju aboniy, suwe iyéri ralámuli kere, múki wéchi rejoy’ma, ké omerami ena kere, raíchali nejami kere jare, kunéami, jareana napawíka enámi’ma, jarecho namúti’ma, mapu ríka riwí’ka jarecho ralámuli.

Échi mapu nokiméako abela’jú:

- Mapurika ruámi visirenta nera’a, mapurika’ma ruámi visirente échina nawesaliachi.
- Secretaria wechikó secretario’ma échina nawesaliachi.
- Ruámi mapuli napawíwa raíchaliáchi votariwami kitira.
- Kuírami échi bicirénsiachi, rúami alí secretaria ’ma.

2. CHÚ RIKÓ JONSA NOCHÁMA.

Mapure bilé mukí wechi rejoy chapirúami nisa kiti á nikúroma échi votariwachi bamiáli okuá mili miná osámakoy bikíá ali okuá mili mina osámakoy nayo’o, échina bela á nikúroma mapu rikó jonsa suiniwá napawía.

Sinéami ralámuli mapu nikúroma’re abelá á kuírorami níma’cho, alá inékarrika mapu kiti alá nocháma, mapu échi raíchali nejamiju chiná instituto animéacho chú ikí memá.

3. CHÚ RIKÁ NOKIMEA.

Ralámuli mapu chapirúami’ju abelá alá nokimea namúti, alá natámi, iwérami, alá riwiyami, alá rúami, alá machiami sebali namúti jena raíchali kitira.

Ayenachó machiká mapu wikabe peré jénaiy kawichí, kuíra’mi jareana comunidadchí, kuíra’má ralámuli, alá machiwámi wikabé kitira, benékami, kanilika kuíra’mi jarecho, sébali machiami votariwami kitira mapurika aboní’i á rúli.

4. PÍRI NEWALÉ’BA KITI Á CHAPIRÚAMI NIBA.

Kiti a chapirúami niba échina nawesalíachi municipal abelá níwima:

- Betéa jé naiy méxico;
- Alá sebali níwika échi derecho alá betéa;
- Ayenachó á chukúmea échi rewalá échina mapu onami boiali federal electoreschí;
- Níwima échi crensalí votariala, ayenachó échi oselí aniliámi constancia mapu machibúma échina instituto nacional electoral;
- Má bamíasa makoy osanayo kiti á re’eba;
- Alabé rejoy wéchi mukí níba, ké tási érika achárrami bilé namúti kitira cháti, welakó jare namúti suwé ríka ikilí;
- Ayenachó betélipa biléana municipio mapu onámi re’éa ináma;
- Betélipa échina municipioochí nésebali usani mechá, mapurríko jónsa re’ema, mapurrika iyéna kuíra jarecho, benerríama;
- Ké belámi boiwasare mapurrika candidato, precandidato, má belá bikíá bamibalí ssimárrosaré chiríka nísaka, kitimi a chapirúami nima;
- Ké tási chó nochásare biléana échina, mabelá ssimárrosaré bikíá bamíali;
- Ké nochása rewéill’chó mapurrika wé alá kuíra’mi walúalá wílami, má ssimárrosaré bikíá bamíali kitími á ómeroma re’ea, ké mí nochásareil’chó échina oficinachí nacional, estatal wéla municipalchí, jare partido yua’má;
- Ké mí kú julárami nísare’chó échi jaréana institucionchí sinéami níwala alí federalchi wéchi local’má;
- Mé nochába, ke sine nochásuwa’ma bikíá bamíali ssimárrosaré kiti á bakíboa, mapurrika nochámi, alá machíka nula’a jena bikíanátami gobiernochí nirúami, ké ssine chapísare jare kuírolíami, mapulí nikú’ura iyéna, mapurrika binoy alá nochali, mapuré je’nai bakínalíaká abelá táma’a ricencia ké tási mée’ka mapu alí napawia e’ená;
- Ké tasi nátami nísaré namúti cháti mapurrika rrisoa olá binoi repokála, kánilia betéa’ma, binoi machika pírí’ju, ké rrisoa olá binoi nelá’a
- Ké ssine rá’amarami nísare, ké bacháramí’chó échi namúti cháti kitira, mukíma kitira, jarechó namúti kitira.
- Ké machirúami mapurrika wé wiká’ami.
- Ayénachó á benéba échi votarriwami kitira , newárrami échina instituto electoralchí alí alá oséba mapu narríwa;
- Alá sébali asibóa mapulíti néwaléliwa tibúarrika échi visirensiachi mapurrika’ma nawesalíachi echina visirensiachi.
- Ayénachó asibóa mapulími néwaléba kitími á assimea mapurrika consejera échina nawesaliachi, kitimi alá machímea pírí raíchawa échi mapu ona nijiwa nawesalí.

5. PÍRI IYÉRI OSÉLI NÉJABA.

Mapuremi baiwanalaká naí abelámi néjama jena oselí:

- Échi oselichi mapu onámi boiwalí alá sébali firmárika nejaba;
- Alá rúka échi mapu mujé ísiami’jú, pírimi benéla;
- Ayénachó alá wíchiwaka aniká mapurrika naí naí;
 - Naí méxico betéami níba, alá néwaláka inába échi derechos mapu níwi;
 - Ké belámi boiwasareyli échina re’ea mapurrika candidato, precandidato, má belá bikíá bamialí ssimarrosaré chirrika nísaka;
 - Iké tasi’chó nochásare biléana oficinachí nacional, estatal municipalchí’ma, mabelá ssimárrosaré bikíá bamíali;
 - Ké bachára asirúami nísare, namúti ísika binoi ikía;
 - Ayéna á betéami, nísare échina municipio mapu oná iyéna napabúka bajúrea jarecho;
 - Ké tási kú julárami nísaré mapulími nochai échina biléana institución jonsa, publica federal wéchi local’ma;
 - Ké nocha’a assibóa, ké sine nochásuwa’ma, mapurrika alá nikura, alá machiká nula’a jena bikíanátami gobiernochí nirúami, ké siné chápika jaré kuírolíami, mapulí nikura iyéna, mapurrika binoí alá nochaká iyénali;
 - Ké tási nátami nísare cháti mapurrika rísoa olá binoi repokála, kanlíla betéa’ma, binoi machíka pírí’ju, ké rísoa olaká binoi nela’a bitichí peréami;
 - Ké siné rá’amárami nísare, bachárrami’ma échi namúti cháti kitira, mukí rísoa olásama, jarecho namúti kitira’ma;
 - Ké machirúami mapurrika wé wíka’ami.
 - Abelá betélísaré échina mapurrika aní échi boíwa.
 - Sinéami oseli mapu néjali échina instituciones wíchiwaka raichami’ju;
 - Ayénachó alá machiká échi convocatoria anilíami, alí riwí’ka échi mapu ríka aniwá échina.
- Ayénachó á buyéba chúwe’e iyéri raíchali mapu nejawa;
- Ayénachó á nakiméa ralámuli mapu niwí’iru entrevista anilíami mapu ona nariwa wikabe namúti, jena convocatoriachi kitira, mapurrika grabariachó alí retrato machibua;
- Échi copia acta nacimiento alá sébali machínasaré, alá newa’riká kúmi chúku mecha alí bamíali;

- Copia crensiali votariala alá newaréami okuánáchina, ké ochérrami nísaré, ayénacho échi constacia’ma nejárami échina institucionchi jonsa;
- Copia alá newaréami échi comprobante mapu onámi beté, japi oná newaré rewalá municipio, mapu onámi nocháma ralámuli yúa échina municipio;
- Ayénacho á niwísaré bilé oselí mapu aní japi échina municipio betéami’ju, mapu oná aní, japimí á betéa atí échina chabé jonsa;
- Ayénacho á machibúba copia título, échi cédula profesonal, mapurrika échi jarre’cho namúti, certificados, comprobante, jarécho oselí mapu mí kuíro rúa mapu rikámi alá machí chúmi riká nocháma échina;
- Bilé oselí oseka niwálí échi rejoy boiwami, pé okuá osélirilí, mapu oná aní chí olá ssi boíwanala china nawesaliachi municipal, abéla niwísare bilé firma;
- Yénacho nejáma curriculum anilíami, mapu oná jarechó namúti rú, mapurrika rrewa, kumi betéa, teléfono, correo, kumi nocháli, kumi benéli, benérrilí’ma, namúti ruli’ma, pírí namúti nocháli, chú ríka nikúroli.

Échi crensiali votarialako abelá niwísaré mechá alí bamíali nako’o á newarrámiju okuá mili mina osámakoy okuá, mapuremi ké níwisa échi crensiali niwiami namúti mapu onámi beté, abelámi machibuma échi oseli aníami mapu aní kumi beté.

Jena oselí , abéla riwibóa échina internetchi échina oficina’ma mí chihuahua alí juarez.

6. MAPU RIKÁ’TÍ CHAPÍSÍ’PÁ.

Abelátí chapibóa mapulití alá nochása je’rika:

PIRI NOKIBOA	FECHAS
ala machibo echi publicación ali convocatoria	makoy kimakoy ináráchi agosto ali suinia besámakoy septiembre
ayecho inscribirse	osamakoy nayo ináráchi agosto ali suinia besamakoy ináráchi septiembre
abela niwipa echi curso mapu tania	osamakoy nayo ináráchi agosto ali suinia okuá ináráchi octubre
sebali ala inea oseli echi niwala mapu moimeare echina	osamakoy nayo ináráchi agosto ali suinia makoy okuá ináráchi octubre
ayencho niwipa echi entrevista aniliami mapu ona naripa sebali namuti	makoy nayo ináráchi octubre ali suinia kicháo ináráchi noviembre
napabuka ali aneba achi simirila echi raíchali mapu ruli	ali bilé ináráchi diciembre

Mapurrika riwibóa échi convocatoria abéla jú:

6.1 Machibúa alí rúa échi convocatoria .

6.2 Ralámuli bitiwachí.

Sinéami mapu moinali échina abelá bitiwáma je’rika:

a) Ayéna boiwaba échina correochí

Á bakibóa échina internetchí: www.ieechihuahua.org.mx/integracion_asambleas_2023

b) Né binoi símika boiwaba

Sinéami mapu bitiwalí échina nawesaliachichí, mapuré ké niwíaka échi internet abelá aboní enáma bitiwa.

PLANKE 1		
Batopilas de Manuel Gómez Morín	Guadalupe y Calvo	Nonoava
Balleza	Guazapares	Ocampo
Bocoyna	Huejotitán	Rosario
Carichí	Maguarichi	Temósachic
Cushuiriachi	Manuel Benavides	El Tule
Chínipas	Morelos	Urique
Guachochi	Moris	Uruachi

Chú ríka boiwaba binoi símiká:

- Mapu re’enáliko ayénabela á siméa échina oficinachí instituto estatal electoralchí mí chihuahua, abelá wili échina división del norte, número okuá mili mina bilé sientto mina nayoo, échina colonia altavista anilía, c.p besámakoy mili mina okuásiento, échi-na chihuahua, ayénacho échina biléanachó oficina wílami échina calle rewéami fray Servando Teresa de Mier, número usani mili mina malisiento nayosa makoy bilé échina colonia san Lorenzo, c.p besámakoy mili okuá mina bikía sientto osamakoy, mí juarez alí chihuahua, kiti á tába échina échi formato kiti á boiwaba, welá á machibúba’ma échina internet jonsa.
- Abelá bochiwípa échi formato, sinéami alá uchéka mapu narriwa, alá oseka échi oseála natí siyónami.
- Má bochiwísaká échi formato abelá tobóa sinéami oselí échina oficinachi.
- Maá nejasaká échi oselí échina oficinachi jonsa abelámi abá checho bilé oselí mapu oná aní mapu má nejali, alí amí amachó bilé folio.
- Mapure tosaká internetchí échi oselí aniami mapu má nijili échina belá amí julimá.
- Mapure jare wé alá machiyáka boiwa échina internetchí jonsa, échina jonsa mapu oná betée, japioná nirú internet abelá alá machisare chú riká ineká oséma, japi rrika aní échi oseli boíwala correochí.

Ma’a sebalí alá boiwasaká abelámi abá échi oselí aníami mapu má nawalí oselí, ké bé chó ikíy achí ripilába.

Échi folio á mí kuírama kitimí ké nocháli oláma échina bakiyá internetchí inearíka jarechó namúti.

Curso newayá kiti alá machibóa échi electoral kitira

Sinéami mapu bitiali échina abelá chapimeá bilé curso, kiti alá sebalí ikíyma échi electoral kitira, newárami échina instituto, tamúje anéma échi convocatoria kitira, machibúrami osámakoy nayo ináráchi agosto alí suinia okuá ináráchi octubre bamialí okuá mili mina osámakoy bikíá.

6.3 Ineká oselí sebali alá nejarami.

6.4 Má sebalí napabúsa oselí sinéami niwalá aliko á julárami nima alí inérami échi consejo kitira, mapu ineamiju sineami oseli.

6.5 Entrevistachi alí ineba chúmi isiámika.

6.6 Napabúa alí semerorami échi raíchali.

Más de la convocatoria en:

www.ieechihuahua.org.mx/integracion_asambleas_2023

- NAPAWIKA NOCHÁBA MUKÍ ALÍ REJOY ALÁ NOKIKA NAMÚTI ALABÉ.
- CHÚ RIKÁ NIMA ÉCHI NAWESALI MUNICIPALCHI.
- RAÍCHALI.
- ALÁ TIBUKA NAMUTI RALÁMULI NIWALA.
- KUÍRAMI.
- NAMÚTI MAPU BUYÁSI.

